

Sheikh insists Muslims cannot be Canaanites

في فيديو لشيخ من قلب المسجد الأقصى فيو رسالتين:

وحدة الي علاقة فيا مباشرة كنعاني، ووحدى لأ.

الرسالة يلي ماااا الي علاقة فيا مباشرة بس هو مركز عليها هي موضوع الحق التاريخي بفلسطين المحتلة بين شعب الله المختار (اليهود العبرانيين) وخير امّة اخرجت للناس (المسلمين): نحن ككنعانيين لا من هالأمة ولا من هيديك. طبعاً نحنا ضد العنف بس الموضوع أكبر منّا.

وعفكرا، الشيخ مش عمينكر انو حقه في فلسطين قائم، انما هو بيعتبر انو هيدا الحق هو من ١٤٠٠ سنة ومش "من مدة اطول بحجة إنوالفلسطينيين كنعانيين". (بداية الفيديو مضلّلة، قصدو بالحق التاريخي يعني من ٤٠٠٠ سنة). هيدا مع الملاحظة انو عكس ما كتار بفكروا، الفلسطينيين قبل ما أسلموا ما كانوا كنعانيين انما انباط. الانباط من اصول عربية انما تمايزوا بأخذ كثير من الكنعانيين، حتى لغة الأخيرين بفعل المرسوم البابلي، وعملوا كَيُونَتَن. القصة منحكيا بغير وقت.

بس هون تنويه بأنو علاقتنا "غير المباشرة" بموضوع الحق التاريخي ككنعانيين (وليس كمسيحيين اسوةً بجميع مسيحيي العالم يلي بهمن استرجاع فلسطين كدولة مسيحية من الباب الديني، رغم انو فينا كلنا نحج سواء كانت الدولة مسلمة او يهودية او مشتركة بيناتن)،

هي غير مباشرة حالياً. بس إذاا منضهر من عامل الوقت، كحق تاريخي، هالأرض اصلاً كانت كنعانية واخذوها اليهود بالعنف من ٣٣٠٠ سنة. اوكي بعدان اخدوها المسلمين بالعنف من ١٤٠٠ سنة واليهود من جديد بالعنف سنة ١٩٤٨. بالتالي انا اليوم غير معني مباشرة بالحق التاريخي بيناتن. بس غير مباشرة، كحق تاريخي؟ هي ارضنا! ولو ما العنف، والتدبيح والمجازر المستمرة من ٣٣٠٠ سنة لحد هالنهاري، لكانت اليوم هالأرض نفساً هو نفس الكنعانيين يلي بالأشرفية وجونية وجبيل والبترون وزغرتا وبشري والقيبات والقاع ومرجعيون ورميش ودير القمر... بس هيدا التاريخ. خسرنا هالأرض وارضى بسوريا ورجعنا خسرنا قسم من لبنان وبالكاد محافظين عالباقيلنا.

أما الرسالة يلي الي علاقة فيا مباشرة، كلبناني وكنعاني،

والو علاقة فيا مباشرة كل مسلم بلبنان، كلبناني وكمسلم،

فهبي انو المسلم بلبنان هو مسلم قومياً / اتنياً يعني هو شعب مسلم سوسيولوجياً يعني هو امّة مسلمة وبالتالي هو منو ومش ممكن يكون كنعاني.

وهالمسلمين بلبنان هني مسلمين وبس، حتى مش عرب، ومش لبنانيين وسوريين وفلسطينيين سوسيولوجياً انما بس ادارياً من آخر ٣، مثل ما الكنعانيين متلاً بلبنان هني مش لبنانيين إلا ادارياً.

وهالمسلمين بلبنان وسوريا وفلسطين هني نفس الشعب / الامّة المسلمة العالمية (إذا عايشين إسلام من بشكل صحيح وسليم وعالأصول). وهيدا بفسر كل الاصطفافات بوقت الأزمان الكبرى بلبنان ومن ضمنها حرب ال٧٥.

اذن المسلم بلبنان مش لبناني إداريًا وقوميًا (سوسيولوجيًا) ومسلم دينيًا. هو لبناني إداريًا طالما دولة لبنان موجودة، ومسلم قوميًا (سوسيولوجيًا) (لناحية الدنيا) ومسلم أيضًا دينيًا (لناحية الدين). السلام دين ودنيا. وأكثر، دين ودنيا ودولة، بس الخلافة راحت. وإذا رجعت، هيدا شي صحيح وصحي بالنسبة للمسلمين.

وكمآن،

اذن المسيحي بلبنان مش لبناني إداريًا وقوميًا (سوسيولوجيًا) ومسيحي دينيًا. هو لبناني إداريًا طالما دولة لبنان موجودة، وكنعاني قوميًا (سوسيولوجيًا) (لناحية الدنيا) ومسيحي أو لاديني دينيًا (لناحية الدين / اللادين). المسيحية دين فقط. الكنعانية دنيا.

ومن هون نحنا شعبين بلبنان. طبعًا المسلم بلبنان عالأرجح يكون حامل جينات كنعانية مثل ما بمصر حامل جينات قبطية، بس منو كنعاني ولا قبطي.

وهالشعب المسلم عندو تاريخو يلي ببش من سنة صفر هجري / ٦٢٢ ميلادي. كل شي قبل هالتاريخ بالعراق ولبنان ومصر ونيجيريا وروسيا واوروبا واندونيسيا هو اليوم ما الو علاقة فيه سوسيولوجيًا غير بعض الامور السطحية (مطبخ، ملبس، عادات محلية، مقارنة بجوهر سيرورة الحياة الاجتماعية يلي هي الاسلام)، ولا الآثار غير المسلمة هي بتعنيه كمسلم.

هيدا الشيخ عميحيكي حكي مش مرغوب ينسمع، بس مظلوط.